



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
OPĆINSKO VIJEĆE**

Na osnovu člana 32. Zakona o principima lokalne samouprave Federacije Bosne i Hercegovine (Službene novine Federacije BiH, broj:49/06), člana 59. Statuta Općine Tešanj (Službeni glasnik općine Tešanj, broj:11/07) Općinsko vijeće Tešanj na svojoj \_\_\_ sjednici održanoj dana \_\_\_\_\_2018. godine, donijelo je

## **ODLUKU**

**o raspuštanju organa Mjesne zajednice Bobare, Drinčići, Blaževci i imenovanju povjerenika**

### **Član 1.**

Općinsko vijeće raspušta izabrane organe Mjesne zajednice Bobare, Drinčići, Blaževci, Skupštinu i Savjet mjesne zajednice Bobare, Drinčići, Blaževci i nalaže izbor novih organa.

### **Član 2.**

Za povjerenika u Mjesnoj zajednici Bobare, Drinčići, Blaževci imenuje se **Kanita Gredelj**.

### **Član 3.**

Povjerenik će obavljati poslove organa mjesne zajednice do provođenja izbora novih organa po proceduri predviđenoj Statutom Općine Tešanj shodno izbornim rezultatima ostvarenim na općinskim izborima, a prema rezultatima i volji biračkog tijela mjesne zajednice.

### **Član 4.**

Rok za provođenje postupka izbora novih organa mjesne zajednice je 45 dana.

### **Član 5.**

Ova Odluka stupa na snagu danom donošenja i objavit će se u „Službenom glasniku Općine Tešanj“.

**PREDSJEDAVAJUĆI VIJEĆA**

**Senad Subašić, dipl. oec.**

# **OBRAZLOŽENJE**

## **I - Pravni osnov**

Pravni osnov za donošenje ove odluke čini: član 32. Zakona o principima lokalne samouprave Federacije Bosne i Hercegovine (*Službene novine Federacije BiH*, broj:49/06), i član 59. Statuta Općine Tešanj (*Službeni glasnik općine Tešanj*, broj:11/07).

## **II - Razlozi donošenja**

U radu organa mjesne zajednice Bobarc, Drinčići, Blaževci duži period, tačnije od samog konstituisanja organa MZ su prisutni odredni problemi u određenom omjeru a kasnije i blokade u funkcionisanju. Izbor članova komisija za vodovod i kirije Drinčići i Bobare doveo je do problema u daljem radu. U stalnim kontaktima nadležna služba pružala je pomoć članovima organa MZ kako bi se vršili osnovni poslovi iz nadležnosti MZ. Tokom 2017. godine bilo je manjih zastoja i kašnjenja ali poslije upozorenja ovi zastoji su otklanjani.

Na sjednici održanoj 30.03.2017. godine Skupština MZ Bobare, Drinčići, Blaževci je izglasala nepovjerenje prvoizabranom Predsjedniku Skupštine te izabrala novog, usvojila prijedloge zamjene članova Skupštine iz reda ASDA te usvojila zamjenu člana Savjeta iz reda SBB.

Zaključkom Skupštine Mjesne zajednice Bobare, Drinčići, Blaževci na sjednici održanoj 22.05.2017. godine Skupština odbija prijedloge SDA za zamjene članova Skupštine i Savjeta MZ. Sve ove aktivnosti i odluke rezultirale su narušenim međuljudskim odnosima u organima MZ. Po završetku godine urađeni su finansijski izvještaj, izvještaj o radu i plan rada za 2018 godinu te upućeni na razmatranje Savjetu i Skupštini.

Savjet Mjesne zajednice Bobare, Drinčići, Blaževci je na sjednicama održanim 18.02.2018.godine i 25.02.2018.godine usvojio Izvještaj o radu za 2017-tu, Plan rada za 2018-tu godinu, ali nije usvojio finansijski izvještaj za 2017.godinu. Ovdje nastaju zastoji u radu i MZ je više puta upozorena na obaveze održavanja sastanaka, usvajanja izvještaja i dostave zapisnika (zapisnici sa navedenih sastanaka dostavljeni 28.05.2018.godine). Tokom perioda u prvih 6 mjeseci 2018.godine Skupština MZ ne održava ni jednu sjednicu, za što biva upozorena u više navrata (telefonom, putem emaila i posredno u direktnim kontaktima sa predsjednikom Savjeta i sekretarom MZ) što nije dalo očekivane rezultate i uglavnom se svodilo na neispunjena obećanja. Krajem aprila mjeseca sekretar MZ prestaje sa radom i od tada MZ nema angažovano lice za obavljanje tehničkih poslova.

Općinska Služba za društvene djelatnosti i investicije, koja sudjeluje u nadzoru nad radom organa MZ, svojim dopisom od 22.06.2017.godine upozorila je Mjesnu zajednicu Bobare, Drinčići, Blaževci na uočene nedostatke te precizirala rokove za otklanjanje nedostataka. Mjesna zajednica Bobare, Drinčići, Blaževci nije reagovala na dopis niti je otklonila nedostatke.

U općini Tešanj je održan sastanak predsjednika Skupštine i Savjeta MZ sa kordinatorom 19.07.2018.godine, cilj istog je bio poboljšana komunikacija i otklanjanje nedostataka a Zaključci da se održi sjednica Skupštine MZ i provede procedura izbora sekretara što takođe nije dalo rezultate.

Općinski načelnik sa saradnicima je održao sastanak sa Skupštinom i Savjetom MZ, 27.07.2018.godine na koji se odazvao predsjednik i dva člana Savjeta MZ te predsjednik i pet članova Skupštine MZ, dok su ostali bili "spriječeni". Cilj istog je bio da se prevaziđu nesuglasice, poboljša komunikacija, otklone nedostaci i smanji nivo politike u radu MZ.

U aktivnostima koje su uslijedile, istog dana u večernjim satima 27.07.2018.godine održana je sjednica Skupštine na kojoj nisu usvojeni Izvještaj o radu za 2017.godinu, finansijski izvještaj za 2017.godinu te Plan rada Savjeta za 2018-tu godinu (koji je u dijelu već bio realizovan). Ovim činom

su upitni postali svi poslovi koje je Savjet MZ radio u prvih 6 mjeseci, te nagovjestilo potpunu blokadu rada Savjeta.

Savjet Mjesne zajednice Bobare, Drinčići, Blaževci je na sjednici Održanoj 26.08.2018.godine izglasao odluku o smjeni predsjednika Savjeta iako je to suprotno odredbama člana 35. Statuta MZ Bobare, Drinčići, Blaževci, kao i člana 57. stav 4. Statuta Općine Tešanj. Savjet je kao razlog odluke navelo opoziv zbog nerada odnosno zbog neprisustvovanja sjednicama Savjeta", a predsjednik Savjeta je prisustvovao svim sjednicama Savjeta i nije bilo većih kašnjenja u održavanju istih.

Rezimirajući, možemo konstatovati da organi MZ (Savjet i Skupština nisu usvojili Izvještaje o radu, Finansijski izvještaj, te svoj plan rada za 2018. godinu). Izostao je angažman sekretara MZ. Sve ovo uticalo je na pogoršanje unutrašnjih/personalnih odnosa u organima MZ. Smatramo da je sve ovo (uz dosta opterećenja u personalnim odnosima) dovelo do blokade rada organa MZ, a osim toga uticalo i na tekuće poslove koje bi trebao raditi sekretar, tako da je nažalost, rješenje raspuštanje izabranih organa i imenovanje povjerenika za MZ Bobare, Drinčići, Blaževci, a u skladu sa člana 59. stav 2. Statuta Općine Tešanj **"Općinsko vijeće na prijedlog Općinskog načelnika može u slučaju nerada ili nezakonitog rada raspustiti izabrane organe mjesne zajednice ili naložiti izbor novih organa"**.

Prijedlog za povjerenika je Kanita Gredelj. Ona je diplomirani pravnik, službenica u Organu uprave, sa iskustvom u radu lokalne izborne komisije (predsjednica), poslovima provođenja procedura izbora i imenovanja. Nije „učesnik zbivanja“ niti član bilo kojeg organa MZ Bobare, Drinčići, Blaževci, te time može imati novi nivo objektivnosti. Cijenimo da će profesionalno, nepristrasno i efikasno provesti postupak izbora novih organa po proceduri predviđenoj Statutom Općine Tešanj, a shodno izbornim rezultatima ostvarenim na općinskim izborima 2016. godine.


Prijedlog je da se proces provede u roku od 45 dana (ne po mogućnosti iz Statuta od 90 dana), smatrajući da je to realan rok, da je vrijeme u kojem nam trebaju organi MZ za različite poslove (kandidatura projekata, servisni poslovi MZ i dr.).

#### Prilozi

- Upozorenje MZ od 30.05.2018.godine o obavezama MZ,
- Analiza rada organa MZ od 22.06.2018.godine,
- Odgovor na zahtjev od 21.11.2018.godine,
- Mišljenje knjigovodstvenog servisa i
- Hodogram planiranih aktivnosti po usvojenoj Odluci OV.


#### **OBRADIVAČ**

Služba za društvene  
djelatnosti i investicije

  
Azra Mušlija, dipl.pravnik

#### **PREDLAGAČ**

Općinski načelnik

  
Mr. sci. Suad Huskić

Broj: 03-05-3-2241/18

Datum: 23.11.2018.godine



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
Služba za društvene djelatnosti i investicije**

Broj: 03-49-2-1302-2/18  
Datum: 30.05.2018.godine

**PREDMET:** Neusvajanje finansijskog izvještaja , Upozorenje, dostavlja se.-

Poštovani,

Zaprimili smo vaše zapisnike sa održanih sastanaka savjeta MZ od 18.02.2018.godine i nastavka Sastanka od 25.02.2018. godine, te pored nekoliko upozorenja u skoro pa svakodnevnim razgovorima, osjećamo potrebu da se i pismeno obratimo i skrenemo pažnju na uočene nepravilnosti.

Shodno tome obavezni ste da u što kraćem roku uradite sledeće aktivnosti:

- Od knjigovodstvenog servisa tražiti da vam uradi detaljan finansijski izvještaj;
- Zakazati sjednicu savjeta i ponovo na dnevni red staviti finansijski izvještaj;
- Zakazati sjednicu Skupštine i usvojiti obavezne dokumente;
- Uložiti dodatne napore za angažovanje lisa za obavljanje tehničkih poslova za potrebe organa MZ;
- Uložiti dodatne napore za stvaranje povoljnijih uslova za život i rad građana MZ a prvenstveno na stvaranje boljeg ambijenta i širenje boljih međuljudskih odnosa.

U slučaju da uočene nedostatke ne otklonite u narednom periodu, bit ćemo prisiljeni da poduzmemo određene mjere, između ostalih i mjere iz Odluke o načinu i kriterijima raspodjele sredstava za rad i funkcionisanje organa MZ, konkretno da primjenimo odredbe člana 6 ove Odluke, tačnije da obustavimo dodjelu sredstava za redovan rad organa MZ.

S poštovanjem,

Dostavljeno:

- 1.MZ Bobare, Drinčići, Blaževci,- Email
- 2.a/a

**POMOĆNIK OPĆINSKOG NAČELNIKA**

Azra Mušlija, dipl.pravnik



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
Služba za društvene djelatnosti i investicije**

Broj: 03-02-1-2346-2/17

Datum: 22.06.2018. godine

**SVIM MJESNIM ZAJEDNICAMA**

**PREDMET: Analiza rada organa mjesnih zajednica-otklanjanje uočenih nedostataka,**

Na osnovu uvida u vaše Zapisnike, Odluke, Zaključke i Ugovore kao i nizom obavljenih sastanaka i razgovora sa organima MZ, učestalim pitanjima o načinu angažovanja sekretara MZ, obilascima organa i kancelarija MZ, analizom prisustva edukacijama i sastancima koje organizuju općinski Načelnik ili Službe te učestalim pozivima građana uočeno je sledeće:

- nekoliko MZ nema angažovanih tehničkih sekretara što uveliko otežava terenski rad općinskih Službi te se krše procedure propisane Poslovníkom o radu Savjeta MZ (Bobare, Drinčići, Blaževci, Mrkotić, Vukovo);
- u nekoliko MZ tehnički sekretari su pored MZ angažovani u drugim firmama što takođe otežava terenski rad općinskih Službi i izaziva revolt kod građana, a ovim licima onemogućava prisustvo na redovnim edukacijama, sastancima, javnim raspravama i sl. (Kraševo, Jevadžije, Miljanovci Lončari, Trepče, Novo Selo, Orašje Planje);
- Nekoliko MZ kasni sa održavanjem sastanaka Savjeta ili dostavom zapisnika sa istih (Bobare, Drinčići, Blaževci, Mrkotić, Kraševo, Miljanovci Lončari, Trepče, Novo Selo, Orašje Planje);
- Nekoliko MZ kasni sa dostavom izvještaja o utrošku sredstava ili sa povratom neutrošenih sredstava;
- Pojedine MZ još nisu održale sjednice Skupštine niti dostavile zapisnike zbog nedostatka kvoruma ili "opstrukcije" rada organa MZ;
- Pojedini predstavnici MZ nisu bili na dvije ili više uzastopnih edukacija.

U cilju zakonitosti rada organa MZ potrebno je da u što kraćem roku, a najdalje do 25.07.2018. godine, otklonite uočene nedostatke te unaprijedite rad organa MZ koju predstavljate.

U slučaju da uočene nedostatke ne otklonite u traženom roku, bit ćemo prisiljeni da poduzmemo određene mjere iz Odluke o načinu i kriterijima raspodjele sredstava za rad i funkcionisanje organa MZ, konkretno da primjenimo odredbe člana 6 ove Odluke, tačnije da obustavimo dodjelu sredstava za redovan rad organa MZ.

S poštovanjem,

Dostavljeno:

1. MZ x 25 putem Emaila,
2. Arhiva.



POMOĆNIK OPĆINSKOG NAČELNIKA

*Azra Muslija*  
Azra Muslija, dipl.pravnik



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
Služba za društvene djelatnosti i investicije**

Broj: 02-14-3-905-2/18

Datum: 21.11.2017.godine

**PREDMET:** Zahtjev za dodjelu sredstava za uređenje kancelarije MZ, odgovor, dostavlja se.-

Poštovani,

Zaprimili smo vaš zahtjev sa predmjerom radova, koji je za cilj imao uređenje prostora kancelarije mjesne zajednice Bobare, Drinčići, Blaževci i time stvorio povoljnije uslove za rad organa MZ i pružanje boljih uslova građanima.

Izvršili smo i obilazak prostorija i uvjerali se u neophodnost uređenja istih. Bili smo spremni podržati vaš zahtjev ali zbog nagomilanih problema u radu organa MZ i prvenstveno zbog neusvajanja finansijskog izvještaja za 2017. godinu.

Poznato vam je da smo, sa ciljem prevazilaženja nesuglasica i poboljšanja međuljudskih odnosa, održali nekoliko sastanaka te da je i sam Načelnik prisustvovao zajedničkom sastanku Skupštine i Savjeta. Naši naponi nisu dali očekivane rezultate i nije vidan napredak na ovom polju, čak su primjetna i određena pogoršanja u odnosima. MZ nema lice koje obavlja tehničke poslove za MZ.


Kada se stanje na ovom polju popravi i organi MZ usvoje obavezne izvještaje možete očekivati našu podršku sukladno raspoloživim budžetskim sredstvima.

S poštovanjem,

Dostavljeno:

1. Naslovu,

2.a/a



**POMOĆNIK OPĆINSKOG NAČELNIKA**

*Azra Muslija*  
Azra Muslija, dipl. pravnik

KNJIGOVODSTVENI SERVIS "AIDA" Tesanj tel/faks 032-941-721  
meil:knjigovodstveni.servis-aida@hotmail.com Id broj:4319304480000 ŽR:1603000030465539

---

OPĆINA TEŠANJ  
OPĆINSKI NAČELNIK  
SLUŽBA ZA DRUŠTVENE DJELATNOSTI I UPRAVU  
REFERENT ZA RAD S MZ

Predmet :Dostava mišljenja

Vežano za Veš zahtjev za davanje mišljenja i ocjene finansijskog izvještaja MZ Bobare Drinčići Blaževci za 2017 godninu a koji neije usvojen na savjetu MZ dostavljamo Vam sljedeće:

-Ukupna finansijska sredstva MZ u 2017 godini su iznosila 26.701,69 km uvećana za iznos po cesiji 7000.00km što daje ukupan iznos od 33.701,69 km.

-U finansijskom izvještaju taksativno su nabrojani svi rashodi MZ u 2017 godini i oni iznose 31.787.88 km umanjeno za troškove cesije od 7.000,00 km ukupni rashodi su iznosili 24.787.88 km. Svi troškovi su analitički dati u tabeli troškova za 2017 godinu.

Od strane predsjednika savjeta MZ nismo imali primjedbi niti zahtjeva za dodatnim pojašnjenjenjima. Kako finansijski izvještaj nije usvojen rtražili smo da nam se dostave primjedbe na finansijski izvještaj i razlozi njegovog neusvajanje te smo izrazili spremnost daodavno objasniti pojedine stavke finansijskog izvještaja te po ukazanoj potrebi i prisustvovat sjednici savjeta kako bismo mogli dati dodatne informacije.

-Mišljenja smo da neusvajanje finansijskog izvještaja nije finansijske već prvenstveno političke prirode odnosa unutar MZ tim prije imajući u vidu sam postupak predaje -preuzimanje poslova izmedju starog i novog rukovodstva nije protekao na adekvatan način.


Za sve dodatne informacije stojimo na raspolaganju.

S poštovanjem

Tešanj:23.11.2017 godine

Za knjigovodstveni servis "AIDA"

Dizdarević Vehid



**Hodogram planiranih aktivnosti na provođenju Odluke o raspuštanju organa MZ Bobare, Drinčići, Blaževci i uvođenje povjereništva**

aktivnost	nosioac	sarađuje	Planirani rok	napomena
Usvajanje odluke	Općinsko vijeće	Služba DDI	30.11.18	
Objava Odluke u Sl.glasniku Općine Tešanj	Sekretar OV	Hasan.P	06.12.18	
Primopredaja dužnosti	Kanita Gredelj	Hasan P , Predsjednik Savjeta MZ	10.12.18	
Dopis političkim strankama da dostave svoje prijedlogeza članove organa MZ	Kanita Gredelj	Hasan Plančić	07.12.18	Sa rokom dostave do 17.12.18
Organizovanje konstituirajuće sjednice Skupštine	Kanita Gredelj	Hasan P ,	25.12.18	
Organizovanje konstituirajuće sjednice Savjeta	Kanita Gredelj	Hasan P ,	31.12.18	
Imenovanje predsjednika Savjeta	Općinski načelnik	Hasan P ,	09.01.19	
Primopredaja dužnosti	Kanita Gredeljnovi Predsjednik Savjeta MZ	Hasan P ,	15.01.19	